

BILBON

borrokan

aurrera!

Azken urteetan areagotu egiten ari da kalean edozein jarduera politiko burutzeko orduan sufritzen ari garen presio poliziala. Egiten dena edozer dela ere (propaganda, ekimenak, manifestazioak...) arraroa da gutariko kideren bat identifikatu eta isuna jasotzen ez duen eguna, gehienetan **Mozal Legea** erabilita.

Hainbat izan dira azkenaldi honetan Bilboko **SORTU**tik kalean burutu ditugun ekimenak; Iberdrolaren tarifazoa salatzeke, Igor Gonzalez preso politikoaren heriotzari erantzuteke, lan heriotzak eta prekarietatea salatzeke, presoen eskubideak aldarrikatzeko, Krisia Kapitalak ordain dezan eskatzeko, faxismoari aurre egiteko, torturaren aurka edota auzoetan propaganda ekimen ugari.

Pasa den Maiatzaren 1aren harira Gran Viako Confebasken egoitza aurrean prekarietatea eta lan heriotzak salatzeke egin genuen ekimenagatik isun txaparrada heldu zaizkigu. 6.000 eurotik gorako isunak jaso ditugu ekimen honetean parte hartu genuen 11 kidek. Horrez gain, asko eta asko dira beste ekimenetan parte hartzeagatik edo propaganda jartzeagatik auzo ezberdinetan isunak ordaindu jaso dituzten militanteak (12.000€ baino gehiago isunetan), poliziaren interbentzioetan zaurituak, edota epaiketen zain dauden kideak.

Gauzak horrela, gogor salatu nahi dugu PNV-ren Jaurlaritzak eta Udal Gobernuak adierazpen politiko oro kaleetatik ezabatzeko duen estrategia errepresiboa. Bere eskuetan dituen medio guztiak erabiltzen ditu kalean ematen diren jarduera politikoak jazartzeko: Ertzaintza, Udal-tzaingoa, garbiketa zerbitzu bereziak... Une honetan gehien bat isun ekonomikoak dira gaur egun disidentziaren aurka eta jarduera politikoa baldintzatzeko erabiltzen duten arma nagusietako bat.

Gainera, aipatu bezala, isun hauek guztiak **Mozal Legea** erabilita aplikatzen ditu, **PNV**-k publikoki behin eta berriz adierazi izan duenean lege honen aurka dagoela.

Honen aurrean SORTUtik mezu argi bat zabaldu nahi dugu: ez diogu inoiz kalean jarduera politikoa burutzeko dugun eskubideari uko egingo. Are gehiago, medio komunikatibo nagusiek gure jarduera etengabe isiltzen dutela jakitun izanda. Oztopoak oztopo, kalean jarraituko dugu gure aldarriak zabaltzen, betidanik izan dugun indar eta determinazio berarekin. Horretarako, eta EAJ-ren estrategia errepresiboa zein den ikusita, **Borroka Itsulapiko** baten tresna sortuko dugula jakinarazi nahi dugu. Jai dute gure jarduera isunen bitartez eten nahi baldin badute, antolakuntza eta elkartasunaren bitartez erantzuten jarraituko baitugu. BILBON BORROKAN AURRERA egingo dugu!

Bide horretan, **Borroka Itsulapikoa** ekarpena egiteko deia, eta batez ere, kalean aldarri politikoak zabaltzen jarraitzeko deia luzatu nahi dugu SORTUtik. Herriaren eta jendearen aldarri politikoen sustraiak kalean daudelako, eta kalean egoten jarraituko dutelako.

BILBON BORROKAN AURRERA!

JAZARPENA ISUNAK ULE!
KAMERAK
Ley Mordaza
pikutara!